



## Universitätsbibliothek Paderborn

**Canonicorvm Regvlarivm Ordinis S. Avgvstini Origines ac  
Progressus, Per Italiam, Hispaniam, Galliam, Germaniam,  
Belgium, aliasque orbis Christiani prouincias**

**Le Mire, Aubert**

**Coloniae Agrippinae, 1614**

Capvt VIII. Canonicorvm Regvlarivm variae Congregationes reformatae.

**urn:nbn:de:hbz:466:1-11321**

vel specie, etiam motu proprio & sciētia quo-  
modolibet concessis, ac etiam iteratis vi-  
cibus approbatis, & innouatis. Quibus omni-  
bus, illorum tenores pro expressis & insertis  
habētes (illis aliās in suo robore permāsuris)  
hac vice duntaxat specialiter & expressè de-  
rogamus, contrarijs quibuscumque, aut si ali-  
quibus communiter vel diuisim ab Aposto-  
lica sit Sede indultum, quod interdici, suspē-  
di, vel excommunicari non possint, per litte-  
ras Apostolicas non facientes plenam & ex-  
pressam ac de verbo ad verbum de indulto  
huiusmodi mentionē. Volumus autem quod  
præsentium transsumptis, manu alicuius No-  
tarij publici subscriptis, & sigillo personæ in  
dignitate ecclesiastica constitutæ munitis, in  
iudicio & extra vibilitet locorū plena & in-  
dubia, eademq; prorsus fides adhibetur, que  
ipsis præsentibus adhiberetur si forent exhi-  
bitæ vel ostensæ. Datum Romæ, apud San- 1564.  
ctum Petrum sub annulo Piscatoris die XVIII.  
Ianuarij M. D. L XIV. Pontificatus nostri  
anno quinto.

## CAPUT VIII.

CANONICORVM REGULARIVM  
*variae Congregationes reformatæ.*

**A**NNO salutis humanæ 1080. sub Gre-  
gorio VII. vt testatur Volaterranus,

C 3

lib. 21.

lib. 21. instaurauit ordinem Canonicorum regularium *Iuo* in Ecclesia S. Quintini Bellouacensi, qui fuit eiusdem Ecclesiae Præpositus, & postea Episcopus Carnotensis; qui q; post Isidorum fuit Decretorum collector.

Eodem tempore per Galliam idem Canonicorum regularium Ordo florere cœpit sub *Arnulpho* Abbatte, & Episcopo Lugdunensi: vt refert Nauclerus vol. 2. Chron. gener. 37.

Eundem ordinem reuocauit, teste Volaterrano, *Fridianus* Episcopus Lucensis, per Tusciam & vniuersam penè Italiam.

Anno item, vt refert idem Volaterranus, redēptionis humanæ 1401. auctore *Leone* cognominato *de Carate*, ciue Mediolanēsi, Canonicō regulari, orta est apud cenobiū S. Mariæ de Frigionaria, in diecesi Lucensi, cōgregatio Canonicorū regularium, quæ dicta est *Congregatio Frigonaria*, & posteā iussu Eugenij IV. cuius auctoritate est approbata, vocataq; fuit *Lateranensis Congregatio*.

Anno Christi Domini 1410. cœpit alia Congregatio Canonicorū regularium, quam fundarūt Stephanus & Hieronymus, viri Senenses, Eremitæ Augustiniani. Hi enim cum alijs paucis, Gregorio XII. approbante, ad eadem S. Saluatoris in Scopeto propè Florentiam migrarunt; & ibi cenobiū exstruxerunt, vnde dicta est *Congregatio Scopetina* seu *S. Salvatoris*, teste Volaterrano. Utuntur ueste alba, scapu-

scapulari item albo, & tunica alba linea. Cùm prodeunt in publicum & incedunt per vrbē, assumunt pallium nigrū, quo teguntur. Quadraginta per Italiam conuentus habent.

Est & alia Congregatio, teste eodem Volaterrano, Iulij II. auctoritate confirmata, quæ nomine *S. Petri de monte Corbulo*, in Florentina diœcesi appellatur. Cuius congregatio Clerici hospitalitatem colunt, & pullum atque humilem cucullum linteis crassisque tuniculis superinduunt. Hæc Volaterranus, lib. 21.

Est & Congregatio Canonicorum *Sancti Gregorij in Alga* Venetijs, quam illustravit Beatus Laurentius, Iustinianus & Eugenius Quartus, Canonici vtuntur amictu cærulei coloris.

Cæterūm quæritur, quomodo propagatus fit ordo Canonicorum regulariū. Volaterranus lib. 21. in Anthropol. ait, hunc ordinē propagatū & mirificè auctum fuisse, sic vt ex eo exstiterint triginta sex Romani Pontifices, Cardinales trecenti, viri sanctitate vitæ clari, & in Sanctorum numerum adscripti, septies mille & quingenti. Et postea numerat Romanos Pontifices, Gelasium Primum, Leonem VIII. Alexandrum II. Paschalem II. Lucium II. Alexandrū III. Innocentiu III. Honorium III. Potuisset his etiā adiungere Anastasium IV. & Adrianum IV. Augustin. Tici-

C 4 nenfis

nenfis in suo Propugnaculo ordinis Canonici part. i. cap. 1. 2. 3. & 14. & part. 5. confirmat. 14. scribit; Ex ordine Canonicorum regularium fuisse Romanos Ponitifices quinquaginta quatuor, Cardinales S. Romanæ Ecclesiæ mille quingentos sexaginta septem, viros, qui sunt in Sanctorum numerum relati fuisse ducentos vltra sedecim millia. Et Ecclesiam Romam, inquit, gubernauit hic ordo per annos quingentos & sex. Penes hos autores, quos nominaui, sit fides. Onufrius Panuinius in lib. de 7. Ecclesijs Vrbis scribit in hunc modum: Gelasius Primus circa annum Domini 400. constituit in Ecclesia Lateranensi clericos Canonicos, qui seruabant regulam Apostolorum, nihil propriu habentes, sed in communi, iuxta regulam S. Augustini viventes. Postea Gregorius III. posuit monachos in Ecclesia Lateranensi, ut in ea preces quotidie cantarent. Deinde monachis deficientibus, iterum sunt in eadem Ecclesia Clerici Canonicici constituti, qui more monachorum religiosum vita institutum seruabant: & Priori, loco Abbatis, parebant, & in communi domo habitabant. Et ex hoc Lateranensi Canonicorum regularium monasterio fuerunt Romani Pontifices Alexander II. Urbanus II. Paschalis II. Honorius II. Innocentius II. Alexander III. Innocentius III. Honorius III. Et durauit, inquit Onufrius, Lateranense Canonicorum regularium monasteriū octingentos annos usq; ad Bonifaciu VIII. qui anno Domini

mini 1300. exclusis è monasterio Canonicis regularibus, posuit in eo Canonicos sacerdotes. Ita Onufrius.

## CAPUT IX.

CONGREGATIO LATERANENSIS  
*Canonicorum Regularium.*

CANONICI Regulares ordinis S. Augustini, dicti Laterantenses, ab Apostolis primum (ut narrant historiæ) traxerunt originem, sed postmodum à B. Augustino, fuit ista Congregatio regulariter ordinata: cùm quibus Canonicis, factus ipse presbyter, à Valerio Episcopo, secundum regulam ab Apostolis traditam aliquamdiu vixit. Qui cum, post multa temporum spatia, varias à laudabilibus viris Reformationes accepissent, secundumque illas varia sortiti essent nomina; inter alias prima fuit ista Congregatio Lateranensis. Quæ tandem fuit reformata in templo S. Mariæ Frigionariæ, propè Lucam Etruriæ urbem, anno millesimo quadringentesimo septimo, à quodam clero nobilissimo Romano, nomine *Bartholomæo*, illustrissimæ familiæ Columnæ, eiusque focio *Jacobo de Anogradis*, V.I. Doctore excellentissimo. Olim, idque per octingentos ferè annos, usque ad Bonifacium VIII. sedem habuerunt in basilica Lateranensi, à Gelasio I.

C 5

ibi-